



# Synfocity = 733

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 16, 2019

## ❑ **PRESCOM Board meeting wawi 167-na**

May 10, 2019 (Zirtawpni) chawhma dar 10:00 khan Synod Office-a J.M. Lloyd Hall-ah Synod PRESCOM Board meeting wawi 167-na a ðu a, member 47 an kal. Meeting hi Rev. R. Lalhmingthanga, Synod Moderator-in a kaihruai a ni.

Secretary report ngaihthlak a ni a, Headquarters building sak mek chu thawh chhonzawm zel niin tunah hian basement chung, showroom chhuat leh stockroom tur chhuat hnih chhun zawh tawh a nih thu te, PRESCOM manual enðhat tura Synod Executive Committee (SEC) a dil chu SEC chuan PRESCOM board kutah dahin enðhat mek a nih thu te, tun dinhmuna hian Synod Bookroom Branch 15 a awm mek a, District Capital tinah Branch hi nei tawhin Aizawlah hian Branch 7 lai a awm thu te, Mizoram pawnah branch pakhat, Churachandpur-ah neih a nih thu te, Mizoram chung khawpui lian deuh khaw 37 leh Shillong-ah Distributor an awm tawh thu te, a vaiin Bookroom dawr 52 a awm mek thu leh Bookroom bungraw zuar nghet Dawr ak (Sale or Return) ang hi 20 vel an awm mek thu te, kum danga an tih ðin angin tlangdung pali-ah Mobile Bookshop neih a nih thu te a ni.

Kum 2018-2019 Financial Year chung khan Synod Press hian an Budget Rs. 5,90,70,000/- aþangin Rs. 7,31,36,960/- lai an thawk chhuak a, nikum aia thawh chhuah tamna chu Rs. 1,26,08,100/- a ni. Bookroom lam hian an Budget Rs. 10,55,50,000/- aþangin Rs. 16,91,82,618/- an thawk chhuak a, nikum aia thawh chhuah tamna chu Rs. 1,99,52,141/- a ni.

## ❑ **Secretarial Training**

May 14 - 17, 2019 chung hian Residential MSSU Secretarial Training wawi 16-na neih a ni. Training hi May 14, 2019 (Thawhlejni) zan khan Aizawl Theological College, Inter-Cultural Hall-ah Synod Moderator Rev. R. Lalhmingthangan a hawng a. Hawna inkhawm hi Rev. B. Sangthanga, Executive Secretary, i/c MSSU-in a kaihruai a. Pi Lalpianthangi Hrahse, Co-ordinator-in inhmelhriattirna hun hmangin Israela Pachuau leh NI. Laldusaki ten Pathian fakna hla an sa bawk.

Hawna thuchah sawiin Rev. R. Lalhmingthanga chuan, "Kan ramah nu leh pate beisei ang ni phak lo fa an pung tual tual a, "Hnahkhawrin mulek a hring" tih ang maiin, anmahni chawm sei liantute tana lungngaihna, zahna leh ðahna thlentu lo pung zel hi kan rama harsatna lian tak a ni. Nghakhlel taka an seilen hun kan thirte an lo puitling ve ta cheng a, nu leh pate tana phurrit an ni fo mai hi a siam ðat hna kan thawh a ngai a. Chumi atan chuan naupang Sunday School zirtirtu helam rawngbawlana inhmang zawng zawngte mawh a ni. Mihring nungchang hi thisena inthlah chhawna aþang leh tlakna leilungin a siam a, seilenna boruak ða tak siam turin chungkaw inkawmngaihna a pawimawh. Lui hnar nei ða tak chu a dan chah tak tak theih lohva, hruaipen erawhchu a tih theih. Chuvangin, an pianna chungkua leh tlakna leilung chu engpawh nise, a ða zawnga inkaihhraina hian danglamna nasa tak a thlen dawn a ni. Sap ngaihsanawmna nia ka hriat chu nu leh paten an fate duh zawng leh nuam tih zawng an tuipui peih a, an hun an pe phal hle bawk hi a ni a. Kan fate thlamuang tak leh nuam ti taka an awm theihna turin nu leh pate mawphurhna a sang hle. Chhungkuaa inchawimawi tawn, infak leh lawmthu inhrilh te hi uar ila, kan khawtlang leh ram a danglam ngei ang," tiin a sawi.

MSSU Secretarial Training hi Bial Sunday School Secretary ruat thar kum apianga neih ðin a ni a, Secretary hna leh an rawngbawlana atana thil pawimawh te inzirtirna hun atan hman ðin a ni.

Kum 1974 aþanga kum thum dan zela neih ðin chu kum 2018 Synod-in Bial Sunday School Secretary term kum hniha a bithliah tak avangin kumin aþangin kum hnih dan zela neih ðin tawh tur a ni.

Tun ðum Secretarial Training-ah hian Bial Sunday School Secretary 169 an tel a. Zingkarah devotion hun hmangin 'Naupang leh Tleirawlte venhim' tih leh 'Chhungkaw inrelbawl ða' tih te zirho a ni a. Chhun lamah 'Sunday School chanchin leh a pawimawhna, Secretary hna leh a pawimawhna, Christian & Child Evangelism, Sunday School inrelbawl dan leh inkaihhraina' tih te zir hovin, zan lamah sawihona hun hman ðin a ni a, Training hi May 16, 2019 (Ningani) zanah kharna hun hmangin Zirtawpniah a ðiak ang.

❑ **Synod Finance Committee wawi 130-na**

May 14 & 15, 2019 khan Synod Finance Committee wawi 130-na chu JM Lloyd Hall, Synod Office-ah a th̄u a, meeting-ah hian member 52 an tel.

Committee hi Synod Moderator Rev. R. Lalhmingthanga'n a kaihruai a, Secretary leh Finance Officer reports ngaihthlak a ni a, reports-ah hian kum 2018-19 tangka kum chhunga sum hmuh dan tarlan a ni a. Synod sum hmuh zawng zawng chu Rs. 2,47,97,96,450/- a ni a. Budget khumna chu Rs. 46,53,98,450/- niin kum hmasa khumna chu Rs. 38,89,23,848/- (Nuai Sangthum zariat sawmriat pakua leh singhni h sangthum zariat sawmli pariat) a ni. Kum hmasa aia punna hi 18.60% a ni.

Tun th̄m Finance Committee hian Synod sum dinhmun a th̄lir bakah Mission Reserve Fund leh Pastoral sum Reserve Fund-a sum dah chungchang te, Audit Report te an th̄lirho a ni.

❑ **Synod Mission Board leh ram pawn chet velna chanchin tlangpui**

♦ May 12, 2019 khan Sibokorong Fellowship, Pasighat, Arunachal North Mission Field a mi chu Field Secretary-in a hawng a. Bial Puipate leh Fellowship hringtu Upper Boleng Kohhran mi th̄nkhatin an th̄awiam bawk. Sibokorong Fellowship-ah hian Chhungkaw 2 awmin, khaw hrang hrang aṅanga college zirlai awmte an lawi a. An vaiin member 23 vel an awm a ni. Fellowship hawn inkhawmah hian mi 50 vel an tel thei a ni.

♦ May 12, 2019 khan a vawikhatna atan Itanagar, Arunachal West Mission Field Kohhranah Upa 2 thlan phalsak an nih angin inthlanna neih a ni a, 1 an thlang tling a ni.

♦ May 9, 2019 khan Lucknow Mission Field-a Unnao Pastor Bial chuan ringlo te sawm khawmin Unnao Biak Inah Lang Camp an neihpui a, ringlo mi 25 camper-ah hian an lut thei a. Thusawi bakah counselling class te neihpui an ni a, mi pakhat in baptisma a chang.

♦ Assam Mission Field huam chhunga Bhairabkunda bul Gobidanga-ah fellowship thar hawn a ni a, ringthar 11 awmin Biak In sak ṅan a ni. Gobidanga-ah hian Bhairabkunda aṅangin missionary ten football hmangin rawngbawlana an va nei th̄in a, chumi avang chuan khaw hotu (gaunbura) chuan ram 7150 sq.mt laia zau chu kan mission tan min pe a. ChanchinTha boruak chu tleh zelin Biak In sakna turin Pu Zoramhriata te nupain an fanu sun tak Sarah pualin sum an pe a, Pu Lalramthanga Ngente te nupain an fapa sun tak Jerry Ramengmawia pualin sum an pe bawk a. Chumi hmang chuan Biak In sak hna ṅan a ni. Chhungkaw 2, baptisma chang tura inpe an awm bawk.

Tin, Tamulpur, Assam Mission Field-ah kan Kohhran member Bitan Das-a ram 5400 sq ft. a zau chu Rs. 50,000/- in Biak In sak nan leifel a ni a. Ram leina tura sum thawhtu hian a hm̄ing a tarlan loh avangin kan sawi thei ta lo va, ram neitu Bitan Das hian kum 2012 vel aṅanga tun th̄lengin ama ram chhungah Biak In min sak hawhtir reng tawh a ni. Tin, Satribari-ah Studio sak hna kalpui mek a ni bawk. May 12, 2019 (Pathianni) khan Assam Mission Field-ah nula pakhatin baptisma a chang.

♦ HSLC 2019 Result tihchhuah takah Mission Field hrang hranga Mission School te chuan Result tha tak an nei a, School hrang hrang Passed Percentage chu hetiang hi a ni.

St. Pauls School, Bhairabkunda	- 85.71 %
Jeruel English School(JES), Lakla	- 88.88 %
Jubilee Model High School, Jonai	- 100 %
Rowland Memorial High School, Karimganj	- 99 %
Oriental High School, Silchar	- 97.6 %
Presbyterian Mission H/S, Diphu	- 97.22 %
Presbyterian Mission School, Hamren	- 88 %
Presbyterian Mission H/S, Koilamati	- 90 %

❑ **Education**

HSSLC 2019 result tihchhuah takah Synod Higher Secondary School chuan result tha tak a nei a, Arts ah 3-na leh 4-na dinhmun an hauh a, Science ah 6-na, 7-na leh 10-na dinhmun an hauh bawk.

❑ **Worship Deptt.**

May 16 - 18, 2019 chhung hian Bilkhawthlir Hmarvengah Zaihruai training neihpui turin Pu Lalromawia, Senior Instructor leh Pu Benjamin Sailo, Instructor te an kal.

❑ **Synfo**

May 13 - 16, 2019 chhung hian Shillong-ah PCI Peace & Justice meeting leh Finance report siamin Dr. Robert S. Halliday, Coordinator, Synfo a kal.

- ❑ **Kohhran Hmeichhia**
  - ◆ May 18, 2019 (Inrinni) hian Ramhlun East Kohhranah Leadership Training nei turin Central Kohhran Hmeichhe Comt. member-te Pi K. Lalliantluangi leh Pi R. Lalroliani te an kal ang.
  - ◆ May 18, 2019 (Inrinni) hian Tuikual Bialah Leadership Training leh Kristian Chhungkaw Campaign nei turin Central Kohhran Hmeichhe Comt. member-te Pi Lalrinkimi, Pi Zochungnungi leh Pi Thanghlupuii te an kal ang.
  - ◆ May 17 - 19 , 2019 chhung hian Kolasib Vengthar Bialah Leadership Training leh Kristian Chhungkaw Campaign nei turin Central Kohhran Hmeichhe Comt. member-te - Pi Lalthanzami, Pi R. Vanlalhlani leh Pi Asha Thulung te an kal ang.

- ❑ **KTP**  
 May 16 - 19, 2019 chhung hian North East India Christian Council Youth Assembly NEICCYA chuan Bujagaon Presbyterian Independent Church, Kokrajhar District, Assam-ah Biennial Conference an hmang dawn a. KTP hi NEICCYA-ah unit pakhat niin, palai 50 a tir thei a ni. Conference thupui hi 'Remna siamtute chu an eng a thâwl e' (Mat. 5:9) a ni a. Conference-ah hian Central KTP Committee member te, Bial aiawh pahnih leh Sihphir Pastor Bial Zaipawl te an kal.

- ❑ **Synod Revival**  
 May 7 - 11, 2019 chhung khan Synod Revival Camping Centre, Neibawihah Camping neih a ni a, Speaker Malsawmthara, Dinthar lehna Team a ni. Camp-a lut zawng zawng hi mipa 93 leh hmeichhia 21, an vaiin 114 an ni a, engemaw harsatna thil avanga camp awm tluan thei lo an awm bawk. Camp-ah hian kohhran pawl dang ațangin 10 leh veng hrang hrang 23 ațangin an lut a ni. Camp chhunga mawhphurhna hrang hrang hi Tlangnuam Pastor Bial ten an buaipui a ni.

- ❑ **Campus Ministry**
  - ◆ May 8, 2019 (Nilaini) khan Apollo School Of Nursing-ah hun an hmang a. Tv. Lalhmunzauva Tlau, Counsellor-in hun hmangin 'Ringtu nun danglamna' chungchang a sawi a, zirlaite chu an nitin nunah Pathian duhzawng tia nun danglam, Krista nungchang ang tilangtu ni turin a fuih a; nuna ChanchinTha eng kengtu ni turin a chah bawk.
  - ◆ May 15, 2019 (Nilaini) khan Zotlang RMSA High School-ah hun an hmang ang leh a ni.

- ❑ **Prison Ministry**  
 May 15 - 19, 2019 chhung hian Mamit district Jail-ah Synod Prison Ministry hmalaknain Crusade neih a ni a, Rev. R. Lalvulluaia, Director, Rev. H. Lalrinsanga, Committee Member leh Rev. Rammawipua Pachau, Mamit Bialtu Pastor te an kal.

- ❑ **Synod Relief Fund**  
 Tun hnaia harsatna hrang hrang neite hnenah Synod Relief Fund ațangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Saipum Hmarveng Kohhran Hall chung	thlipui tihchhiat		Rs. 1,00,000/-
2.	H. Bualpui	Thlipui tuar & In kang	3	Rs. 19,000/-
3.	Serchhip Vengchung	Hliam tuar & Kangmei tuar	4	Rs. 17,000/-
4.	Suarhliap	Thlipui tuar & Khawsak harsa	2	Rs. 16,000/-
5.	North Sabual	Damlo	1	Rs. 10,000/-
6.	Buarchep	Thlipui tuar	1	Rs. 8,000/-
<b>TOTAL</b>				<b>Rs. 1,70,000/-</b>

- ❑ **Hruaina Eng FM Radio**
    - ◆ **MAY 17, 2019 (FM Zoawi Aizawl @ 7:30 p.m.):**
    - Solo** : Lalhlumawii - Kei kher min thlang si
    - Thusawi** : Rev. Lalzuithanga - Khawnge i awm?
    - Zaipawl** : Durtlang Pastor Bial Zaipawl - Ka hnaih zel
- Kohhran Rawngbawlina hrang hrang**

♦ **MAY 17, 2019 (FM Zoawi Lunglei @ 7:30 p.m.):**

**Solo** : Debbie Lalnunhlui - Lawmna tur hlir  
**Thusawi** : Rev. Lalzuithanga - Khawng e i awm?  
**Zaipawl** : Mizoram Synod Choir - Heng zawng ai hian min hmangaih em?  
**Kohhran Rawngbawlina hrang hrang**

□ **Hruaina Eng TV Programme**

**Susamachar Prasaran Programme**

♦ **MAY 19, 2019 (Pathianni) 5:00 pm. :**

**Group/Choir/Solo** : Lunglei Area Masihi Sangati - Yisu lio tera nam  
**Group/Choir/Solo** : P.C Lianhmingthanga - Mera Masih  
**Sermon** : Rev. P.C Rohlira - Uth Prakash Maan Ho  
**Group/Choir/Solo** : Himali Kohhran Zaipawl - Isu Mash tere Jeisa Koi Nahi  
**Group/Choir/Solo** : Aizawl West 1 Masihi Sangati - Tere Stuti

♦ **MAY 19, 2019 (Tv Programme) @ 4:00 - 6:00, 8:00 - 9:00 p.m) :**

PYJC Triennial Conference  
 Weekly Round Up  
 KTP Kumpulan Film 2019

□ **Moderator leh Executive Secretary-te Programme:**

**Rev. R. Lalhmingthanga : Moderator**

May 18, 2019	Inrinni	Chhun	Chhingchhip Venghlun	Biak In Hawn	Chhingchhip Bial
May 19, 2019	Pathianni	Chawhma	Thentlang	Kohhran tlawh	Chhingchhip Bial
May 19, 2019	Pathianni	Zan	Chhingchhip Venghlun	Kohhran tlawh	Chhingchhip Bial

**Rev. Lianhmingthanga Sailo : Senior Executive Secretary**

May 16 - 18, 2019 chungin Pastor Quarters chungchang enfiahin Khawzawl, Champhai Kanan leh Zokhawthar-ah te a kal.  
 May 21 - 23, 2019 Pastor Retreat  
 May 24, 2019 Manipur Area Committee.  
 May 24 - 26, 2019 Kohhran Pavalai Pawl Meet.

**Rev. B. Sangthanga : Executive Secretary**

May 18 & 19, 2019 hian Ramhlun Vengthar Kohhranah Kristian Chhungkaw Seminar leh Campaign-in hun a hmang ang.  
 May 20, 2019 Pay Anamoly  
 May 21 & 24, 2019 Pastor Retreat  
 May 26, 2019 Bungkawn Vengthar Kohhran

**Rev. K. Lalrinmawia : Executive Secretary**

May 20, 2019 Ramthar Hostel Committee leh Zirlai lak interview.  
 May 21 - 24, 2019 Pastor Retreat.  
 May 25 & 26, 2019 Kanghmun Kohhran

**SYNOD BOOKROOM BOOK NEWS FOR THE MONTH OF MAY 2019**

1. <b>English - Mizo Dictionary</b> : SL&PB	<b>Rs. 450/-</b>
2. <b>Hla leh a phuahtute chanchin</b> : Lalzarmawia	<b>Rs. 250/-</b>
3. <b>Islam sakhua hi eng nge</b> : Rev. Lalchawilian Varte	<b>Rs. 200/-</b>
4. <b>Christian Encyclopaedia</b> : Rev. Lalngaihawma	<b>Rs. 500/-</b>
5. <b>Susani</b> : Florence L.R Ralte	<b>Rs. 150/-</b>
6. <b>Naupang zirtira siamna</b> : PC Lalmuanpuia	<b>Rs. 60/-</b>
7. <b>Vantlang Vanram</b> : Lalthuamlia	<b>Rs. 170/-</b>
8. <b>Sikul Thlang chuak te</b> : R. Lalhmunsanga	<b>Rs. 150/-</b>
9. <b>Driving zrina bu</b> : Laltanpuia Varte	<b>Rs. 150/-</b>
10. <b>Hmangaihzuai</b> : C. Laizawna	<b>Rs. 150/-</b>



**MISSIONARY RETREAT PROGRAMME  
HOME MISSION & CACHAR TLANGRAM REGION**

A hmun : **Bethlehem Venglai Kohhran Biak In**  
 A hun : 16<sup>th</sup>-19<sup>th</sup> May, 2019  
 Thupui : **'Inpekna' (Tirh. 2:32)**  
 Speaker : **Rev. C. Zoramawia**  
 Secretary, Synod Mission Board

**16<sup>th</sup> May, 2019 (Ningani)**

12:00 noon- 4:30 p.m.: **Registration**  
 7:00 p.m. : **Vantlang Pathian Biak Inkhawm**  
 Chairman : Rev. K. Lalrinmawia,  
*Executive Secretary, i/c Mission etc.*  
 Introduction : Upa Lalbiakenga Fanai,  
*Coordinator, SMB*  
 Inlawmna : Chairman  
 Keynote Address : Rev. R. Lalhmingthanga  
*Moderator, Mizoram Synod*  
 Zaipawl : 1) Synod Mission Choir  
 : 2) Durtlang Pastor Bial Zaipawl

01:30p.m.- 03:00p.m. : **Zaikhawmpui**

Hruaitu : Upa K. Lalthakima, *BEC Member*  
 7:00 p.m. : **Vantlang Pathian Biak Inkhawm**  
 Chairman : Rev. C. Lalramchhana,  
*BEC Member*  
 Thusawitu : Speaker  
 Zaipawl : 1) Zonuam Pastor Bial Zaipawl  
 : 2) Maubawk Pastor Bial Zaipawl  
**Inkhawm ban Zaikhawm**  
 Hruaitu : Pi C. Lalbiakluangi  
*Area Promoter, i/c Cachar Tlangram*

**17<sup>th</sup> May, 2019 (Zirtawpni)**

10:00 a.m.-12:00 a.m.: **Paper zirho**  
 Hruaitu : Upa K. Sanghmingthanga,  
*BEC Member*  
 Thupui : *Mimal hmena Chanchin Tha hril*  
*(Personal Evangelism)*  
 Present-tu : Rev. Lalchhuanmawia, *BEC Member*  
 12:00 noon -01:00 p.m.: **Chhun chawlh**

01:00 p.m -03:00 p.m.: **Paper zir atanga sawiho**

Hruaitu : Upa H. Thangmawizuala,  
*BEC Member*  
 07:00p.m. : **Vantlang Pathian Biak Inkhawm**  
 Chairman : Rev. R. Lalnuntluanga, *BEC Member*  
 Thusawitu : Speaker  
 Zaipawl : 1) Lungleng-I Pastor Bial Zaipawl  
 : 2) Thupui Pastor Bial Zaipawl

**Inkhawm ban Zaikhawm**

Hruaitu : Pu Vanlalhlira,  
*Evangelist, Marpara,*  
*Home Mission 'N'*

**18<sup>th</sup> May, 2019 (Inrinni)**

10:00 a.m.-12:00 p.m.: **Vantlang Pathian Biak Inkhawm**  
 Chairman : Rev. J.H. Zaikima, *BEC Member*  
 Thusawitu : Speaker  
 Zaipawl : 1) Ramthar Veng Bial Zaipawl  
 : 2) Hunthar Pastor Bial Zaipawl

12:00noon-01:00p.m.: **Chhun chawlh**

**19<sup>th</sup> May, 2019 (Pathianni)**

10:00 a.m. : **Vantlang Pathian Biak Inkhawm**  
 Chairman : Rev. R. Vanlalnghaka,  
*Secretary, Mizoram Synod*  
 Thusawitu : Speaker  
 Zaipawl : 1) Mizoram Synod Choir  
 : 2) Mission Vengthlang Pastor BZP

12:00 noon - 01:00 p.m.: **Chhun chawlh**

01:30 p.m. : **Vantlang Pathian Biak Inkhawm & Sunna**  
 Chairman : Upa Dr. Lalnundanga, *BEC Member*  
 Sun te chanchin sawi : Upa Lalbiakenga Fanai,  
*Coordinator, SMB*  
 Sunna : Chairman  
 Thusawitu : Speaker  
 Zaipawl : 1) Synod Mission Choir  
 : 2) Zemabawk North Pastor BZP

07:00 p.m. : **Vantlang Pathian Biak Inkhawm**  
 Chairman : Rev. Lalmachhuana, *Bialtu Pastor*  
 Thusawitu : Rev. K. Lalrinmawia,  
*Executive Secretary i/c Mission etc.*  
 Zaipawl : 1) Synod Mission Choir  
 : 2) Bethlehem Venglai KH Zaipawl

**Inkhawm ban Zaikhawm**

Hruaitu : Rev. Sujindro Chakma,  
*i/c Damdep Bial*

**Hriat tur te:**

1. Missionary-ten an kawppui leh an fate an hruai thei ang. An kalna leh haw-na senso (actual fare) tumsak an ni ang (Motor hire phal a ni lo).
2. Missionary-te chu Bethlehem Venglai Kohhran huam chhunga thleng vek tura beisei an ni.
3. Pathianni chawhma leh zanah thilpek lak khawm a ni ang a, thlengtu Kohhran pual a ni ang.
4. Zaikhawmna hmun tur ruahman leh zai hruai chu thlengtu Kohhran kutah dah a ni.
5. Sponsored Missionary-te chu a sponsor-tu ten a senso an tumsak theih chuan an tel remtih a ni.
6. Retreat-ah hian Mizorama Masihi Sangati Evangelists, Mizo tawng thiamte chu an tel thei ang.

Synod Social Front Helpline: **9089777129**;

Tuai & Patil Helpline : **8729800130**;

Students' Helpline : **9856883377**

[WWW.MIZORAMSYNOD.ORG](http://WWW.MIZORAMSYNOD.ORG)